

**He Uri Au A Te Atua / I am a Child of
God**

1. He uri au a te Atua
Nānā i tonoa mai ki kōnei
I hōmai he kāinga
Me ōku mātua.

(Chorus)

*Ārahīna, Manaakitia
Kia whai te tika
Āwhinatia mai i au
Kia hoki atu rā.*

2. He uri au a te Atua
ōku matea nui
Whakamārama mai ki ahau
Ngā kupu kei tōmuri

(Chorus)

3. He uri au a te Atua
Ngā taonga tuku iho
Mēnā ka mahi pai ahau
Ka hoki atu rā

(Chorus)

He uri au a te Atua

(Translated by Johanna Lloyd,
arranged together with Marahia
Roberts)

E te Atua

He inoi tēnei
Ki a koe
E tōku Ariki
Taku Kaiwhakaora
Whakawhetai ki a koe
Tukua tō wairua
Hei ahikāroa

***Hei piringa (wahine)**

Hei piringa (tāne)
He whakapiki wairua e
Hei oranga
Whakatata mai koe
He oranga mō tātou

E te Atua

Manaakitia

Whakamarutia mai

Mātou e te piringa

He honore he kororia

Maungarongo ki te whenua

Ake tonu.

Tiaho mai tō manawa tapu e
Māringi iho nei
Tō aroha, tō wairua

Nau nei ahau i ara ake ai
Mai i te pouri
Ki te ao marama

Hei piringa...*

(Ending) Mō ake tonu atu āmine!

Te Mirirangi - Haka

Torona tītaha (Titaha)

Kua korowaitia ki te mana o te (Atua)

Ko Te Hāhi a Ihu Karaiti e

O te Hunga Tapu o ngā rā o muri ake
nei Hi

Ko taku whakapono te mātāmua e

E whakapono ki te Atua

Te Matua Ora Tonu

Ihu Karaiti me te Wairua Tapu

Kia mau ki te tika

Mau ki te rongopai

Mau ki te aroha

O te Atua Kaha

Te Mirimiri o te Rangi

Hei mura i te ahi, hei aro ki te Mihaia

Pono

Kia hoki ki te whare o te Ariki e

Ko Te Hāhi a Ihu Karaiti e o te Hunga

Tapu o ngā rā o muri ake nei

Te Mirirangi kia rite

Hi!

Tēnei Te Mirirangi kua whakaeke mai
nei

Ki runga i tēnei kaupapa whakahirahira

E mihi ana ki a koutou e rau rangatira
e

Tainui Waka Tainui Tangata

He piko he taniwha

Whakakotahi, Whakamanahia e

(Tainui Waka)

Te Hāhi a Ihu Karaiti

**O Te Hunga Tapu o ngā rā o muri ake
nei**

**Tēnei rā, ka whakahōnoretia Te
Kīngitanga**

Pōtatau Te Wherowhero

Tāwhio, Māhuta, Te Rata

Ko Kīngi Koroki

Te Arikini Te Atairangikaahu

Tū mai Tūheitia

Rire, Rire Paimārire

Rire Hau Paimārire

Rire, Rire Paimārire

Rire Hau Paimārire

(Tainui Waka)

Tainui Tangata

Tēnei Te Mirirangi e tau nei

Hi!

Ingkoa: **Te Kitenga Tuatahi / The First Vision**

Momo: Pao/moteatea. Tau: 2020 Kaitito: Marahia Roberts.

Written in commemoration of the 200 year anniversary of the First Vision given to Joseph Smith.

Kaea: He hokinga mahara ki te kitenga tuatahi

Noho anipa au ko tēwhea te whakapono tika ko tewhea te kōwhiringa tika māku.

Roa nei au e noho rangirua ana ki ngā kōrero rerekē o ia hāhi.

Toko ake te karaipiture kitea ana ki roto i te pukapuka a Hemi. Me haere ki te kimi whakautu ki tā Hemi whakapai.

Ki te hapa koe i te matauranga, me patai ki te atua

Kaea: Ko te wai

e pupu ana ki roto i ahau ko te pako o hiahia e puta mai ana e.

Haere tōtika ki te uru rākau tutaki ki tetahi wairua haukino kia piko katoa te turi ko te paki rehua kia pātai ki te atua.

Kaea: Tuwhera aku mata titiro whakarunga.

I mua i au e tu nei e rua ngā āhua tangata e rite ana te piataata mai o te rama ki tā tetahi e kore e kitea.

Tuwhera te waha kōrero o tetahi tohu ana ki tera atu

Karangatia toku ingoa me te ki mai 'anei taku tama hei piripiri whakarongo ki a ia ee'.

Waiata a Ringa by Sharez Tumai (started on 6/3/2020)

Aio te aroha, e menemene ana (mai i te rangi)
Whai i nga tangata, e aro atu ki te (huarahi)

aro ai i te kai o te hua
aro ai ki te pai

mau ki te rakau, ki to ngakau me to wairua
ae me reri ki te kimi i te aroha (o te atua)

ko te atua
te kaha
e piri ai
te ao katoa (x2)
te ao katoa

Aio te wairua, e noho tata ana (ae, i a matou)
Whai i te atua, e hono te aroha (ae, ki a koutou)

aro ai i te kai o te hua
aro ai ki te pai

mau ki te rakau, ki to ngakau me to wairua
ae me reri ki te kimi i te aroha (o te atua)

ko te atua
te kaha
e piri ai
te ao katoa (x2)

te ao katoa
te ao katoa.

Mihingare (Called to Serve)

Karanga, kia tū hei mihingare,
Hei kaiwhakaatu mō Ihowa
Tawhiti, Tata, ka tuku ngā pūrākau
A te Atua Kaha

Haere, haere tonu, ka whakanui i tōna
ingoa
Haere, haere tonu, ka whakanui i tōna
ingoa

Tika, torotika, he waiata
manamanahau e
Te Atua te mana, te kaha
Haere tonu ki te mahi a te Kiingi e

Ko ngā korero a te Atua Kaha
Ka whakamārama i te taha wairua e
Te kaupapa a ngā mihingare
Kua wehe i ngā kāinga
Ki te tuku i te kupu a te Atua

Kei te pātōtō ana i te kuaha
Kua tae mai mātou e
Ko ngā mihingare o Te Hāhi a Ihu
Karaiti

O te Hunga Tapu o ngā rā o muri ake
nei
Kei konei mātou
Ki te tohatoha i ngā korero a te Atua

Ko te rākau a Hura
Te rākau a Hohepa
Ngā rākau e rua
Te poha o te rongopai

Nā reira rā e te iwi
Tēnei mātou e mihi nei
Kaua rā e huna atu rā e

Ko ngā korero a te Atua Kaha
Ka whakamārama i te taha wairua e
Te kaupapa a ngā mihingare
Kua wehe i ngā kāinga
Ki te tuku i te kupu a te Atua

Ki te tuku i te kupu a te Atua
Hi aue hi